

आ दुनिया तो थारी,
बावळी रे बेंडा,
माया की मोटी,
छावनी रे बेंडा,
बातां में रहयो बिलमाय,
पंछीड़ा पावणा रे काई,
बागा में मोयो रे,
काई माया में मोयो रे ॥

सोने रे घड़े में विष घोलण,
आतो मीठी छूरी बण बोलणी रे,
आतो धोखा भरी संसार,
पंछीड़ा पावणा रे काई,
बातां में खोयो रे,
काई बागां में मोयो रे ॥

पाछो ठिकाणे थने,
आवणो रे गेल्या,
कठू आयो ने कठे,
जावणो रे गेल्या,
गैलां में रहग्यो रात,
पंछीड़ा पावणा रे.
काई नींदा में सोयो रे,
काई बागां में मोयो रे ॥

नारी ठग्यो थारा,
रूप ने रे गेल्या,
काम कमाई ठगगी,
पूत ने रे गेल्या,
काया ठग्यो परिवार,
पंछीड़ा पावणा रे अठे,
आज ठगायो रे,
काई बागां में मोयो रे ॥

बालपणो रे हँस,
खोवियो रे बीरा,
जोर जवानी में,
सोवियो रे बीरा,
वेद न आया नहीं याद,
पंछीड़ा पावणा रे,
अब बुढ़ापे रोयो रे,
काई बागां में मोयो रे ॥

भेरू शंकर समझाय,
रिया रे भेंडा,
आच्छा दिन थारा,
जाय रिया रे भेंडा,
हरि भज उतरौला पार,
पंछीड़ा पावणा रे,
अब मोड़ो नही होयो रे,
काई बागां में मोयो रे ॥

आ दुनिया तो थारी,

बावळी रे बेंडा,
माया की मोटी,
छावनी रे बेंडा,
बातां में रहयो बिलमाय,
पंछीड़ा पावणा रे काई,
बागा में मोयो रे,
काई माया में मोयो रे ॥

गायक जगदीश जी वैष्णव ।
प्रेषक रामेश्वर लाल पँवार ।
आकाशवाणी सिंगर ।
9785126052

Source:

<https://www.bharattemples.com/panchida-pawana-re-kai-baga-me-moyo-re/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>